

箋牘

覆伍公使梯雲商辦圖書分館函

梯雲公使先生大鑒奉讀十一月十四大函關於敝校籌捐圖書館紀念

令先翁伍老博士荷蒙贊同並賜獎飾至深感激承提議設一分館於河北專儲通俗及尋常書籍其見仁人用心惠愛普及尤令人欽佩無已年來省立市立圖書館及中山仲元圖書館先後成立市民讀書機會較前稍增暫時似可足用將來若有此需求敝校自當另闢分館仰副

盛意耳專此奉復順頌

助祺

弟 鍾榮光
李應杯

附錄伍公使原函

惺可 兩位先生大鑒接讀 Henry 先生轉來大函并晤 Henry 先

生藉悉

貴校計劃在華在美籌捐鉅款以為建築圖書館之需皮藏中西書籍以供學子研究此舉不特裨益嶺南且可裨益廣州按照 Henry 來函所云且擬仿德國雖在數百里外亦可借書之法為最新之設備不啻為南中國之模範圖書館如此於文化固可保存新智識亦可輸入直接關係文化間接補益民生弟亦甚贊成辱承

紀念先君俾其名與圖書館并垂久遠尤弟所感激不置耳鄙見倘有欲提議者一事聞該館地址建築在貴校內部為嶺南學生計固然方便為遠道參攷人及為廣州市研究高深學問之市民計或尙不嫌道阻但為廣州市一般平民計未免稍形跋涉將來河南橋樑馬路縱然修竣總是距離河北較遠可否於河北適中地點開一分館專儲通俗及尋常書籍以資普及如何之處統望酌奪專覆順頌

籌綏

弟伍朝樞啓

十一月十四日

復廣東各界討逆救護委員會函

敬覆者前奉